

聶氏家言旬刊

民國十五年三月九號

期一十

耕心齋筆記二則
醫藥雜記

上海匯山路四十八號聶宅發行

綏遠圖誌序

雲台

中國不日言患貧乎。吾人終日之所接觸者。大抵以生計不給爲憂者也。於是社會革命之聲甚囂塵上矣。新學少年。驟聞共產之說。欣然以爲是可解社會經濟糾紛。貧者當無復憂貧。而不知此特見其一面而已。蘇俄革命。理想固亦如是。而數年之間。死於飢餓者千萬人。死於刑戮者又數百萬人。今往而觀其國人。一一與他國民較其幸福樂利。無可得而稱也。是有故焉。大學曰。生之者衆。食之者寡。爲之者疾。用之者舒。則財恆足矣。孟子曰。晝夜扣人之門戶。求水火無不與者。自足矣。故聖人治天下。使有菽粟如水火。菽粟如水火。而民焉有不仁者乎。古之聖賢。治國平天下之道。大抵以是爲之準則。而所謂解決經濟問題者。雖世界萬變。終何以易此數語哉。吾嘗著生產救國說。引伸其義。蓋慨夫今之人。大抵從分配均勻致力。而不從生產消耗著想。又視古人之言爲老生常談。不屑措意。夫治生之道。我國古訓。勤儉二字。足以概括無餘。勤所以開源。生之衆爲之疾之謂也。儉所以節流。

食之寡用之舒之謂也。循此之道。財貨足而消耗少。則無所事於爭。而何待於法律刑戮之驅迫。以爲分配耶。今之人所倡導者。則異是。工作必少。酬值求多。欲望不節。消耗不止。夫功少而酬多。何以勸勤。是教人相率於惰也。故勞農政府成立。而全俄之農產。工產驟減其半。使多數人至於餓死。其成事可鑒也。生產不敷分配。故詐欺侵奪之事百出。則嚴其刑戮。密其法律以控御之。然法律固無救於凍餓死亡者也。夫與其待密法嚴刑以支配。此不敷用之財貨糧食。何如獎其勤勞。增其生產。教其節制欲望。以減少消耗。使人無待於錙銖計較。而自然豐足哉。不揣其本而齊其末。此蘇俄制度之所以屢變而不能臻於治理者也。繼俄起而急進以謀共產者。以我國青年爲最。以我國最患貧而青年所受教育最不適於生產。故彼輩之眼光。惟注射於此。少數僅有之工廠。及目可親見之財貨。夫使彼輩之目的。果能達則亦僅能如俄國之經驗。使素稱勤勞之國民。相率於情逸。以銳減其生產耳。全國財力愈減。而謂能解決生活問題。有是理乎。夫中國

固有可富之道在耳。常人囿於耳目之所及，而不求其稍遠大者。天下事每每如此。今舉國之人謀生計，惟少數大都會之是趨。此少數都市者，雖至富庶，終不能供多數人之求。則物值自然增長，生活程度高低遠別，而不平之聲，奢望之念，於是乎起。此奸宄所由生，而禍亂所由萌也。此中之人羣，相爭逐於此有限之財貨，以相殺戮，而於蘊藏無盡之財貨，則見不之及，豈不哀哉。江浙者，自來號稱富庶之邦者也。其富之源，則在農產。林礦之利，猶不與焉。而富力已如此，而中原繁盛之區，僅得全國幅員三之一耳。而東北西北財富蘊藏，猶有數倍於此者。近三十年間，東北交通漸開，而東三省農產輸出，遂以萬萬計。東省為日俄所競爭之地，故其地利已漸為人所知矣。西北則以外人勢力所未暇及，則國人乃亦茫然無所覺。然其富源實有勝於東北者。前此交通阻梗，至者甚少，故其富藏不為人所聞知。偶有知者，亦不得其詳。政府不為之勸導，尤無所設施，以便來者。宜其地利之不闢也。近年以來，西北始設重鎮，主持其事者，頗能以發展地利為務。選賢任能，百廢漸興。人始知西北之有可為。當局者則為測量其山川，整治其道路，調查其農林礦牧之產，籍記其商賈販運之數，具為圖表說明。期使遠方有志於西北實業者，有所據也。願西北地方遼闊，而經畫之始，必以綏遠入手。以其為鐵路之所及，而又兼黃河之水利。昔年人泛稱為河套。

頗具成效。惜為讒者所傷，致其罪貽陷於獄，而墾務亦廢。盜匪旋熾，農民遠避。迄今觀其陳跡，猶見當日貽公之精心，果力為事成，而復墜。則國運為之耳。傅君志章篤行實學之士也。素習農林，服職綏遠，以調查研考所得，著為綏遠圖誌一書，予受而讀之，亦自愧其知西北情形之不早也。綏遠一區，地積比江浙皖三省而廣，而所設縣治，纔十餘耳。可墾之地，以數千萬畝計。而今纔得百之二三耳。中國華洋義賑會工程部和綏遠實業廳中外技師，近赴河套測量報告，謂有饒水利之田八百萬畝，皆即可墾者。而地價纔每畝一元有奇耳。其地質之肥，產量之豐，遠勝於中原久耕之地。其蘊藏之富，尤隨處皆是。其為生計，視東南都市難易苦樂為何如也。吾所望於當局者，眼光既見及此，則以全力赴之。通商惠工，化兵為墾，與民休養生息，使天下之農樂耕，其野商工業居其市，行旅樂出其途，輸其農產，以濟他省之偶歉。出其礦藏，以應他國之需求。尤要者，移殖東南過膾之戶口，使有恆產之資，給而無待於造亂為惡。以隱消全國之大禍於無形。生聚教訓，期以百年。行見綏遠一區，富庶文化，與江浙皖三省相埒。夫以蕞爾日本，人口面積，猶不及是三省，且能以富強橫行天下。而我以十倍之地，六倍之眾，憂貧患弱，不亦大可羞哉。往事不諫，來者可追。吾甚望乎秉國鈞者，易其剋肉補瘡之信債政策，以從事於移民殖邊。又望乎唱共產者，去

界種種糾紛之唯一途徑也已。民國十五年三月六日聶其

耕心齋筆記二則

西人傾向佛教

西人傾向佛教

雲台

有古達君者。本美國教士。在華任牧師二十餘年。近以年老退職。頗有志研究佛教。嘗讀予宗教辨惑文。深表同情。遂央青年會友介紹來見。據稱得聞佛法大要於日本人鈴木君。而後知佛教廣大圓通。遠非耶教之所可及。渠每與耶教友人談及佛教之高深精微。無如彼輩皆以先入者為主。不肯虛心一為研究。故渠以為耶教無改善之餘地。遂欲捐其家貲為傳佈佛法之用。並擬在西湖設會所。延善知識任譯事。又聘西方哲學家有志學佛者共從事研究。計其經費歲約萬餘金云。因徵予之意見。予曰。佛教宏敷。是一大事。予嘗以為時會因緣尚未至。故佛教經論累萬卷。而譯為西文者僅小乘數種。大乘經典纔一二卷。且西方文字極難達佛經之意義。譯文多失其真。果能發此大願。詎不歡喜讚歎。然譯者難其人耳。渠言南京有瑪威某教會者。亦託名研求佛法。欲合佛道耶為一氣。時邀僧衆集會。設香案蒲團。中間供耶穌像。旁懸聯幅。書佛經語。光怪陸離。不可究詰。該教會欲延古君與之合作。古以其宗旨不正辭之。據古君云。已戒殺數年。但赴宴則食葷耳。

日人幸德秋水所著基督抹殺論出版已多年。近始有華文譯本。其書考訂翔實。引證周博。殊無武斷語。據言所謂耶穌基督者。按之歷史及當時藝文之可考者。其事其人。皆絕無踪跡。即如新約中所言希律王因博士言耶穌生將為王。遂盡殺伯利恆城及四境二歲以內之嬰孩。如此重大之事件。歷史及各種記載。皆無可稽考。又當時羅馬百年內之文豪如某某數人者。於當時有名之藝文撰述。徵引甚博。獨於此最有關繫且文字優美之四福音等書。及其大門徒等之事蹟。絕無一字提及。足徵此等福音書乃第二世紀以後之人所撰述。偽託為耶穌門徒者也。羅馬舊教本為野蠻民族之所遺傳。為祭司愚民之具。當時之民亦多厭惡之。於是一二有志改造教會者。揚言於衆。謂某地某時曾有耶穌者醫病逐鬼。其言如神。是真上帝之現身。抑即先知所言之救世基督也。遂相與結為新教會。以與舊教抗衡。而此新教會者。頗提倡對於宗教之自由平等。故人多信從。旋竟取舊教之勢力地位而代之。至四福音書之成立。則二百年後為教會多數僧侶所撰述。各出一本。聚訟鬥毆多次。以存今日流傳之本。大抵所謂耶穌者。當時或有一人善醫藥符籙。頗著奇效。而改革教會者。遂影射而利用之。指為教世主。乃捏博士觀星希律戮嬰等事以增高其價值。而不知適以成其破綻也。至以耶穌為託元。則在五百四十年後。為教會長老戴氏之

所創始。追定羅馬七百五十四年。為耶穌生之年。初僅用之於教會。迨教會兼握政權。勢力及於全歐。遂通用以為紀年也。耶教起源。根據舊約。即今之猶太教是也。猶太教徒固不承認有耶穌基督之事。惜未得讀其關於此類之書耳。

醫藥雜記

雲台

治乳房結塊方

乳房結塊。俗名乳吹。謂哺乳時為小兒所吹也。舍十弟婦患此症。延西醫某君割之。創口月餘不合。復換德醫某加割二次。仍不愈。後請夏蔭棠君診之。用紙捻粘藥末插入。外貼膏藥兼服湯藥。旬餘而愈。後年餘。姪女適曹氏者。亦患此症。延夏蔭棠君診。夏君授膏藥一枚貼之。服藥一劑。次日愈矣。越數月。予之書記張君之妻亦患此症。予授以所贈膏藥及藥方。次晨來言。全愈矣。後以治數人。皆神效。有但貼膏藥者亦效。因向夏君乞得調膏藥末方。茲并錄如左。

治乳塊內服方。醫案。乳頭屬肝。乳房屬胃。乳頭結塊。腫及乳房。氣痰凝滯。絡道不和。法當內消。

橘葉絡各一錢 炒青皮一錢 薄 荷六分(後下)

象貝母三錢 炒只壳一錢 白蒺藜三錢

製 蠶錢半 絲瓜絡二錢 炒赤芍錢半

煨決明錢半 赤茯苓三錢 如肝俯者加香附

一錢鬱金一錢

此方係夏蔭棠君家傳祕方。專治一切腫塊骨節作痛。疝氣偏墜。風痰流注。乳吹初起。均極效。惟陽症紅腫膿已成者。則不宜。乳癌初起者可貼。已成者不宜貼。

公丁香二兩 細辛二兩 華撥二兩 蜂房四兩 百草霜二兩 右藥共研細末。以好瓶密塞。和入膏藥內貼之。其膏藥為普通膏藥店內所售之清涼膏。每膏藥一斤。加此散一兩。餘膏熔化後攪勻攤之。此方已經照配。屢見效驗。

葉伯皋先生傳瘡疾外治方

斑蝥末芥末各少許。置膏藥上。貼背脊第三節處。治瘡極效。淡食為弭病延年之法

蘇東坡言蜀青城老人村多五世孫者。道極險遠。生不識鹽醃。厥後道稍通。漸能致五味。而壽益衰。伍秩庸博士學西法衛生。淡食二十年。老而益健。族人某有患肺癆者。淡食二十餘年。健愈。信知淡食之有益攝生也。曾文正公衛生六事。早食白飯一碗。不沾點菜。予行之數年。確有效。近日始覺日間食菜太多亦有害。而霉變厚味如鼓醬之類。及煎炒品。尤為不宜。試屏絕此類數日。體力神氣均較爽適。其明效也。西人多肉食。少穀蔬。而抵抗疫病之力甚弱。又一證也。大凡勞筋骨者。血氣旺可多食鹽。然不勞力之人。血中含鹽過量。則血凝滯。而為種種病害。又一切蔬菜肉類。均含有天然鹽質。無須額外多增。故養生家宜每日白飯一餐。餘餐亦多穀食。少